



Na osnovu člana 22 Statuta Brčko distrikta Bosne i Hercegovine - prečišćeni tekst (Službeni glasnik Brčko distrikta Bosne i Hercegovine, broj 2/10), Skupština Brčko distrikta BiH, na 40. redovnoj sjednici održanoj 9. februara 2011. godine, usvaja

**ZAKON  
O IZMJENAMA I DOPUNAMA  
ZAKONA O ARHIVSKOJ DJELATNOSTI**

**Član 1**

U Zakonu o arhivskoj djelatnosti (Službeni glasnik Brčko distrikta Bosne i Hercegovine, brojevi 44/04, 19/07 i 25/09) u članu 31 stavu 2 riječ: „Pododjeljenje“ zamjenjuje se riječima: „Služba za arhiv“.

**Član 2**

Član 35 mijenja se i glasi:

**„Član 35**

- (1) Svi službenici zaposleni u Službi za arhiv dužni su imati položen arhivistički ispit.
- (2) Pravo na polaganje arhivističkog ispita imaju lica sa:
  - a) visokom stručnom spremom, nakon godinu dana rada na arhivskim ili sličnim poslovima;
  - b) višom stručnom spremom, nakon devet mjeseci rada na arhivskim ili sličnim poslovima;
  - c) srednjom stručnom spremom, nakon šest mjeseci rada na arhivskim ili sličnim poslovima.
- (3) Pripravnici koji nakon završetka pripravničkog staža na arhivskim ili sličnim poslovima nastave rad na neodređeno vrijeme, dužni su položiti arhivistički ispit u roku od 12 mjeseci od dana završetka pripravničkog staža, u suprotnom im prestaje radni odnos.
- (4) Odredba stava 2 ovog člana odnosi se i na volontere.”

### **Član 3**

U članu 35a iza riječi: „se i“ dodaje se riječ: „arhivistički“.

### **Član 4**

Iza člana 39 dodaje se novi član 39a koji glasi:

#### **„Član 39a**

(1) Izuzetno od člana 35 stava 1 ovog zakona, do početka rada Službe za arhiv, Odbor za zapošljavanje je dužan, u procesu selekcije prijavljenih kandidata na javni konkurs raspisan radi popunjavanja radnih mjesta neophodnih za početak rada Službe za arhiv, prihvatiti i prijave kandidata koji nemaju položen arhivistički ispit kao potpune i odgovarajuće.

(2) Radna mjesta iz stava 1 ovog člana utvrđuju se posebnim aktom koji donosi gradonačelnik na prijedlog šefa Odjeljenja za javni registar.

(3) Lica koja zasnuju radni odnos na radnom mjestu iz stava 1 ovog člana dužna su položiti arhivistički ispit u roku od 12 mjeseci od dana sticanja prava na polaganje arhivističkog ispita, u suprotnom tim licima prestaje radni odnos.“

### **Član 5**

Dosadašnji članovi 41 i 42 ovog zakona postaju članovi 40 i 41.

### **Član 6**

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02 -353/11

Brčko, 9. februara 2011. godine

PREDSJEDNIK  
SKUPŠTINE BRČKO DISTRIKTA BiH

**Esad Atić**